

Susuga Andrew Little

Minisita o le Soifua Maloloina

Susuga Peeni Henare

Minisita Lagolago o le Soifua Maloloina (Soifua Maloloina mo tagata Māori)

23 Setema 2021

Ua tofia se Komiti faapitoa e faatautaia polokalame, ma taiala, ma fuafuaga mamao o le soifua maloloina o Niu Sila

Ua tofia nei ni tagata o loo lava le silafia ma iai le poto masani i pulega ma mataupu tau soifua maloloina e faatautaia le Pulega o le Soifua Maloloina o Maori (Maori Health Authority) ma le Pulega o le Soifua Maloloina o Niu Sila (Health New Zealand), o le saunoaga a le Afioga i le Minisita o le Soifua Maloloina, le susuga ia Andrew Little.

“O le Malo lenei, ua fausia ma faatulaga lelei polokalame ma taiala e atoatoa ma talafeagai mo le soifua maloloina o le atunuu, e tulaga maua fo'i le tautua mo le atunuu ato'a. O leisi lea laasaga mo le faalelei atili ai o polokalame ua faatulagaina e le soifua maloloina mo tagata uma,” saunoaga a Andrew Little.

“O fuafuaga mamao mo le soifua maloloina e mafai ai e tagata Niu Sila uma ona maua avanoa tutusa, aua le tausiga o le soifua maloloina ina ia faafualoa'aso o le soifua, faatasi ai ma se olaga e sili ona manuia, ma e le faailogaina fo'i o latou tagata poo fea fo'i e nonofo ai.”

O Rob Campbell, o se tagata e tele agavaa ma sa avea ma faatonu sili i faalapotopotoga, ma ofisa ma matagaluega a le malo, ua filifilia nei e avea ma Taitaifono o le Health New Zealand. O lona silafia ma le poto masani e fai ma faatonu o faalapotopotoga tetele, e taua tele mo le taitaia o le Health New Zealand, o le a avea ma se tasi o kamupani tele a le atunuu.

O Sharon Shea, o loo avea ma Taitaifono o le Komiti o le Soifua Maloloina i le Itumalo o Bay of Plenty. O se taitai ua lava fo'i le silafia i le faiva o le soifua maloloina, o manaoga faapitoa ma ofisa i nofoaga lautele. Ua tofia o se tasi o Taitaifono o le Pulega o le Soifua Maloloina o Maori ma o se tasi fo'i o sui o le komiti o le Health New Zealand.

O Tipa Mahuta, o le Sui Taitaifono o le Komiti o le Soifua Maloloina i le Itumalo o Counties Manukau, e iai le agavaa i le faafoeina o polokalame, o suesuega, o mataupu tau i tulafono ma atinae o nofoaga lautele, ma ua loa tausaga o iai i le pulega o mataupu a Iwi o Maori, ma ua tofia nei e avea ma se tasi o Taitaifono o le Pulega o le Soifua Maloloina o Maori



PĀNUI PĀPĀHO
MEDIA STATEMENT

O le Health New Zealand, o le a tuufaatasia lea o Komiti ma Pulega o le Soifua Maloloina e 20 a le atunuu, o se aufaigaluega e lata ane i le 80,000 le aofiaga, ma o le paketi faaletausaga e \$20 piliona ma ana aseta ma meatotino e tusa ma le \$24 piliona se aofaiga.

O le Pulega o le Soifua Maloloina o Maori e galulue ma faatino faatasi ni atinaega ma polokalame fuafuaina, ma le Health New Zealand, e faatulaga ni komisi suesue mo auaunaga i faamai e tataua ona faamuamua ma auaunaga i nofoaga lautele, ma le komisi e suesuega auaunaga mo Maori aemaise le faatauaina o talitonuga faaMaori. O le Pulega o le Soifua Maloloina o Maori e galulue faatasi ma le Matagaluega o le Soifua Maloloina e faalauaitele ni fuafuaga ma mataupu tau tulafono e talafeagai ma lelei mo tagata Maori.

“O lenei faamoemoe taua e pine ai taumafaiga mo le agai i luma ia tele ma tutusa avanoa ua fuafua ma faatulagaina e le soifua maloloina,” saunoaga a le Minisita Lagolago Peeni Henare.

“O le Pulega fou mo le Soifua Maloloina o Maori e tele ai se suiga mo a matou tagata. E faatupulaia auaunaga e faavae mai talitonuga faaMaori ma e avatu le avanoa mo se leo malosi o Maori i faatulagaga fou o le Soifua Maloloina i auala e faalelei ai le lē paleni ma le lē tutusa ai o faaiuga sa tele ina aafia ai o matou aiga.

“O le vaega a Ta Mason Durie sa faafoeina ma galulue malosi ma lagolagoina le filifiliina o sui taitasi – o Ta Mason, sa vaai totoa ina ia mautinoa ua filifili ni sui e talafeagai ma lasi foi le tomai ma le poto masani e manaomia aua le lumanai ma galuega fai a le soifua maloloina,” saunoaga a Peeni Henare.

“O sui o le komiti e tutusa o latou naunautaiga ina ia faalelei le soifua maloloina ma le soifua laulelei o le atunuu ma e malosi la latou vaai i tagata lautele mai nuu ma nofoaga taitasi. Ua ou talitonu o manaoga ma vaega o le tatou soifua maloloina o loo i aao ma lima o tagata e sili ona agavaa ma lava le tomai e faafoe nei suiga ua leva ona tataua ona faataunuu,” saunoaga a Andrew Little.

FAAIUGA

Fesootaiga tau faasalalau

Tusi mai le Faatonu o lenei pepa

O faamatalaga taitasi mo sui o le komiti ma nisi faamaumauga i suiga e tau i le soifua maloloina o loo maua i le www.futurehealth.govt.nz

O Sui o le Health New Zealand e iai:

- **Rob Campbell (Taitaifono)** – ua loa tausaga o avea ma faatonu sili i faalapotopotoga, ofisa ma matagaluega a le malo
- **Amy Adams** – sa avea ma sui o le Vaega Faaupufai o le National, sa Faipule mo le Itumalo o Selwyn ma sa avea foi ma Minisita o le Kapineta
- **Cassandra Crowley** – o le Suetusi Aloaia ma o le Loia i Faamasinoga MauaLuga o Niu Sila, ma ua lava le silafia i le faafoeina o pulega eseese
- **Vui Mark Gosche** – o le taitai sinia mo Samoa ma le Pasifika, faapea foi faalapotopotoga eseese o le soifua maloloina, o manaoga faapitoa ma nofoaga lautele i Niu Sila. Sa avea foi ma Faipule, ma Minisita o le Kapineta.
- **Dame Karen Poutasi** – o loo iai faailoga faafomai ma e faapitoa lava le tomai i ofisa o le soifua maloloina ma le poto masani i le faafoeina ma le taitaiga o galuega o le soifua maloloina ma galuega e tau i aoaoga, e aafia ai le avea ma Pule Sili o le Pulega o Tusi Pasi i Niu Sila ma le Faatonu Sili i Matagaluega o le Soifua Maloloina.
- **Vanessa Stoddart** – o le taitai sinia o loo iai le poto masani i le faagaioiga ma le faafoeina o pulega i kamupani ma galuega tau gaosi o oloa, o afifi ma le tuupusaina o oloa mo faamomoli, o kamupani vaalele ma kamupani inisinia faatasi ai ma le vaai totoa i ala e fai ai ni suiga fou atoa ai ma le faaleleiina o le tautua ma le auauunaga.
- **Dr Curtis Walker** – o le fomai i galuega lautele ma o le fomai faapitoa foi i fatugao mo le Pulega o le Komiti o le Soifua Malolo i le Itumalo o MidCentral. O loo iai le poto masani i le faatautaiga o pulega i falemai ma mataupu tau tulafono lautele.
- **Sharon Shea (Taitaifono)** – o le Taitaifono o le Pulega o le Komiti o le Soifua Maloloina i le Itumalo o Bay of Plenty ma o loo iai le poto masani faaTaitai i ofisa o manaoga faapitoa, ma nofoaga lautele. O Ms Shea o se tasi foi o Taitaifono o le Pulega o le Soifua Maloloina o Maori.

O le Komiti o le Health New Zealand o loo iai ma le sui mai le Komiti o le Pulega o le Soifua Maloloina o Maori, o le sui lona valu (8) lea o le komiti

O Sui o le Pulega o le Soifua Maloloina e iai:

- **Sharon Shea (Taitaifono)** – o le Taitaifono o le Pulega o le Komiti o le Soifua Maloloina i le Itumalo o Bay of Plenty ma o loo iai le poto masani faaTaitai i ofisa o manaoga faapitoa ma nofoaga lautele. O Ms Shea o le a galue foi i le Komiti o le Health New Zealand.
- **Tipa Mahuta (Taitaifono)** – o le Sui Taitaifono o le Komiti o le Soifua Maloloina i le Itumalo o Counties Manukau, e iai le agavaa i le faafoeina o polokalame, suesuega, mataupu tau le tulafono ma le atinae o nofoaga lautele, faapea pulega o mataupu a Iwi o Maori.
- **Dr Sue Crengle** – o le fomai faapitoa i galuega lautele ma vailaau o le soifua maloloina i nofoaga lautele, ma e iai le poto masani i suesuega. O le Polofesa o le Hauora Maori i le Aoga Faafomai i Otago.
- **Dr Mataroria Lyndon** – o le Taitai o Aia Tutusa i le Faalapotopotoga o le Mahitahi Hauora e Faamuamua le Soifua Maloloina, ma o le Faiaoga Sinia i le Aoga Faafomai i le Lunivesite o Aukilani
- **Lady Tureiti Moxon** – o se taitai ua lava le silafia ma le malamalama i tagata Maori i vaega o le soifua maloloina, o aoaoga, o mataupu tau i tagata lautele ma ofisa o le faamasinoga i pulega faalenuu, faaitumalo ma le atunuu.
- **Fiona Pimm** – o se faatonu ua lava le silafia ma le poto masani i pulega i ofisa o le soifua maloloina ma ofisa o le malo, o kamupani i nofoaga lautele ma pulega faalenuu a iwi ma fonotaga a Maori
- **Awerangi Tamihere** – o le taitai sinia ua lava le silafia male poto masani, ma sa galue i ofisa a le malo, o pulega faaitumalo, o matagaluega a le malo, o kamupani tumaoti faapea lona lava iwi.

- **Dr Chris Tooley** – o se Kovana ua lava le silafia ma o le Faatonu Sili o le Te Puna Ora o Mataatua, i Whakatane, latou te saunia ni polokalame e tausi ai le soifua maloloina ma auaunaga mo tagata lautele i nofoaga lautele i le Itu i Sasae o le itumalo o Bay of Plenty.